

**Naaja H. Nathanielsen
Attaviitsoq**

UPA 2016/85
2. maj 2016

Inatsisartut aaliangiiffigisassaattut siunnersuut, Naalakkersuisut peqquneqassasut kingusinnerpaamik UPA2017-mi allannguutissamik siunnersuuteqassasut, Kalaallit Nunaannut suliffissarsiortut killilersimaarnissaat pillugu Inatsisartut inatsisaanni § 6 imm. 3-mi, sulisitsisut atorfinitsitinissamik qinnuteqarnerisa kingorna ullut 14-it qaangiunneratigut kommune piffissap iluani aaliangiisimangippat, ingerlaannartumik atorfinitsitisinnaanerup atorunnaarsinneqarnissaa pillugu.
(Inatsisartunut ilaasortaq Per Rosing-Petersen, Partii Naleraq)

Inatsimmi allannguutissatut siunnersuut tapersorsorneqarsinnaasoq isumaqarpunga. Qularnaarneqarsinnaanngilarli siunnersuutaasoq sunnuteqassaqisoq, isumagami malillugu sulisartut tikisiat tassaanngillat sulinermik inuussutissarsiuteqarnermi ajornartorsiutaasut anginerpaat. Oqaluuserisariaqarputtaa q suliffissaaleqisortatta piginnaanertusarnissaat. Tikisitsillunimi sulisoqalernissamut piumasaqaataavoq atorfiit pineqartut maani najugaqartunit qinnuteqarfigineqarsimanginnissaat. Tamattami nalunngilarput suliffissaaleqisoqartoq atorfinnut sulisunngorsinnaasunik. Soormiuna taakku atorfiit qinnuteqarfigisimangikkaat. Isummat marluk oqallinnermi initunerpaajupput. Siulleg tassaavoq sulisitsisut pitsaasumik atorfinitsitsinermi atugassarititaasunik neqerooruteqartannginnerat taamaalillutillu nunatsinneersunik sulisunik sulisortaarsinnaannatik sulisoqaannarsinnaanatilunniit. Isummap aappaa tassaavoq sulisitsisut ilaat imaluunniit inuussutissarsiutit ilaat isumaqarmata sulisut nunanit allaneersut aalajaannerusut taamaattumillu sulisorissallugit pilerinarnerusut. Ilumoortoq taakku akornaniikkunarpoq. Qularnanngilaq sulisoq nunanit allaneersoq eqinnaallunilu aalajaatsuummat. Eqqaamassavarput nunatsinniimmata nunatsinniissinnaanerat nammineerluta akuerigatsigu. Sulisutut allatuulli akilerartarput. Taamaattumik isumaqarpunga tikisitat inuuttaasutut allatulli ataqqinissaannut pisussaaffeqarluta. Nunatsinni suliffissaaleqisut sulilernissaannut naammattumik tapersorsorpavut? Naalakkersuisunit akissuteqaat Inuussutissarsiortermit naalakkersuisumeersuuvoq. Inunnik isumaginninnermut naalakkersuisumit kiisalu Ilinniartitaanermut naalakkersuisumit akissuteqaatit ujartorpakka. Nalakkersuisoqarfinni taakkunani suliffissaaleqineq akiorniarlugu qanoq iliuuseqartoqarpa?